

IQRAR'



UNIVERSITI
TEKNOLOGI
MARA

Perpustakaan
Tun Abdul Razak

اقل

BULETIN PERPUSTAKAAN TUN ABDUL RAZAK



uitmlibrary



libraryuitm



libraryuitm



library.uitm.edu.my



m/s 9

Live@PTAR Bicara Khas Sempena Festival Semarak KLWBC 2020 Peringkat Kebangsaan: "Membaca Meningkatkan Nilai Diri"



m/s 10

Live@PTAR Bicara Pakar: "Peranan Majlis Raja-Raja Dalam Pentadbiran"



m/s 17

Jom Baca Bersama Untuk 10 Minit Ptar Kampus Permatang Pauh, Cawangan Pulau Pinang



m/s 14

Majlis Kemuncak Program Khidmat Masyarakat: Misi IQRA PTAR UTM Cawangan Pulau Pinang



m/s 20

World #QuranHour 2021/1442H Peringkat UTM Cawangan Perak



Untuk menonton
 semula:



Perpustakaan Tun Abdul Razak (PTAR) UiTM Shah Alam telah menganjurkan program bual bicara secara langsung dengan kerjasama Bank Islam Berhad, bersama Encik Effezul Azran dalam segmen bicara pakar. Seperti biasa, program ini dikendalikan oleh Puan Siti Salwa A. Rahman, Pustakawan Kanan, selaku moderator bersama panel jemputan, Encik Effezul Azran Abd Maulop, Ketua Penolong Kanan Penguasa Suruhanjaya Pencegahan Rasuah Malaysia (SPRM). Sesi perkongsian ilmu pada kali ini dimulakan dengan pengenalan kepada rasuah oleh panel jemputan. Rasuah ditafsirkan kepada 4 perkara umum iaitu yang pertama pemberi dan penerima, kedua adalah suapan dalam pelbagai bentuk, ketiga adalah tujuan utama dan keempat berkaitan dengan tugas rasmi. Walaupun masyarakat sudah tahu apa itu rasuah, tetapi masih ada pihak pentadbiran yang melakukannya tanpa memikirkan kesan dan akibatnya.

Di samping itu, panel jemputan turut berkongsi tentang isu rasuah yang mana ia kerap kali berlaku di dalam sesebuah organisasi pentadbiran apabila dikendalikan oleh manusia yang tidak bertanggungjawab. Hal ini sangat merisaukan pihak SPRM kerana isu rasuah ini semakin meningkat di kalangan pentadbir urus terutamanya kepada generasi muda dalam mengurus tugas di tempat kerja. Kebanyakan isu rasuah ini dilakukan oleh pihak-pihak yang memiliki kuasa dalam pentadbiran. Bukan sahaja untuk menaikkan prestasi organisasi malah ada juga yang melakukan kegiatan ini untuk menguntungkan diri sendiri.

Selaku ketua penolong kanan penguasa SPRM, beliau sangat menekankan isu rasuah dalam pentadbiran ini sebagai langkah pencegahan untuk masyarakat supaya sedar akan keburukan kegiatan rasuah ini dalam organisasi, keluarga, masyarakat dan negara.

Organisasi yang ingin membuat aduan perihal isu rasuah ini, boleh membuat laporan kepada SPRM secara atas talian di portal Suruhanjaya Pencegah Rasuah Malaysia, kedua adalah dengan menggunakan telefon pintar iaitu dengan memuat naik aplikasi "MACCMobile" di Google Play (android) atau App Store (apple), atau pergi sahaja ke pejabat SPRM yang berdekatan. Setiap individu yang membuat aduan di SPRM, mereka dapat mengetahui status aduan dan akan dirahsiakan oleh pihak SPRM sebagai langkah keselamatan. Semoga perkongsian pada kali ini dapat memberi manfaat seluruh rakyat Malaysia khususnya kepada warga UiTM.